



# Thla tharah thisen pek runpui

Chanmari West, 26<sup>th</sup> May, 2013 : Chanmari West Branch YMA Executive Committee-in a lo rel tawh angin kumin YMA Day pualin Ni 8.6.2013 (Inrinni) hian Aizawl Civil Hospital tan thisen pek runpui neih a ni leh a ni.

Kum kal ta lamah khan kan Branch YMA hian Hospital tan hian thisen kan lo pe tawh thin a, pe tam pawlah pawh kan lang tawh thin a, hei hi memberte inpekna vang a ni a, Branch Committee pawh a lawm hle a ni.

Tun tumah pawh hian memberte inpekna a zarah thisen

unit tam tak kan pek leh ngei beisei ila. Section YMA ten a pe thei tur an zawng dawn a, a zawn hun laia inpe hman lo emaw awm lo emaw kan lo awm palh a nih pawhin a pek hunah hian kal theuh turin Branch YMA chuan member zawng zawngte a ngen a ni.

## Branch News

☺ Ni 23.5.2013 Ningani zing khan Chhawzinga tuikhuah PHE Deptt. enkawl tui a lo thianghlim leh zual theih dan tur thlirhona Hunthar, Edenthar leh Chanmari West Local Council ten an neih ah Branch OB te telve a ni.

☺ Ni 23.5.2013 Ningani zan khan vengchhunga Foreigner rawn pem thar an awm leh awm loh Branch OB leh Section Leader ten enfiarna neih a ni.

☺ Ni 25.5.2013 Inrinni zan inkhawm ban khan Hmeithai insak sak chung changa hmalatu tur Working Committee leh Chanmari West Mistiri Association ten Joint Meeting neih a ni.

☺ Ni 28.5.2013 Thawhleh zan hian Executive Meeting koh tum a ni.

☺ Hmeithai insak tanpuina atan Chanmari Vengthlang Tangrual Pawl (CVTTP) in Rs 1500/- leh Khuangchera Section ten Rs 2000/- Branch YMA ah an rawn pe a, Branch YMA in lawmawm a ti hle.

☺ August thla a Central YMA in Branch Zaipawl intihsiak a buatsaih tur atan Branch Zaipawlte an inbuatsaih chho tan mek.

## LEIMIN TUAR TANPUINA PEK THEIH

Laipuitlang leh Ramhluna leimin tuarte tanpuina tur hetiang hian Section hrang hrangah pekna tur hmun siam a nia, chhungtinte tlawmngaia pe turin Branch YMA chuan min ngen a, May ni 28 thleng pekna hun hi siam a ni.

- CH-Sect. Pu Lalruatsanga leh Pu Lalnunthara Sailo hnenah.
- V-Sect. Pu VL Thakima leh Pu T.Sangkhuma hnenah
- T-Sect. Pu C.Lalmuankima leh Pu R.Lalsangzuala hnenah.
- K-Sect. Pu Larinliana leh Pu Lalliansanga (Malala) hnenah.
- N-Sect. Pu Vanlalvuana leh Pu Lalzarzova hnenah

## DISASTER COMMITTEE

Ni 23.5.2013 Ningani tlai khan nikuma Chaltlang kham lung lumin footpath a tihchhiat siamthat hna Chanmari Local Council ten an thawh chu a hmunah a that tawh leh tawh loh Disaster Committee ten thlirho a ni a, tha tawkah ngaih a ni. Tun dinhmunah lung tla mai thei a awm lo niin an hria.

Hmeithai insak tur tanpuina heng mite hnenatang hian dawn a ni.

## LOCAL COUNCIL

☐ Chanmari Area a lung lum mai thei chu Disasterho hmalaknain thirlen a fun tum a ni a, hmalak nghal tura ruahman a ni. Helai lungrem leh foothpathte hi Local Council-in uluk takin en a ni thin a, Ni 22.5.2013 tlai khan Sisaster Committee nen enho a ni bawh.

☐ Chief Minister Bungalow hnuiaia lei minin kawr a siam chu Disaster-in kawrte siamin tungrem fel a ni.

☐ Chanmari West Branch YMA atanga kan veng erea chhunga Hunthar Aizawl tih intar chu reiloteah Chanmari West tia thlak tura hma lak nghal a ni

## K section leh C VTP-in hmeithai in sak nan sum pe

Branch YMA-in hmalakna a kalpui mek hmeithai in sak tanpui nan Khuangchera section chuan ₹ 2000 an pe a, Chanmari Vengthlang Tangrual Pawl chuan ₹ 1500 an chhung lut bawh.



## TUNKAR CHANGVAWN

I thubuai chu i thenawmpa nen sawi dun ula, mi dang thuruk chu puang suh Thufingte25:9

### Editorial Board

<b>Editor:</b>	RLalringheta	9862358337
<b>Joint Editor :</b>	Lalchhandama	9862358347
	JLalnangliana	9862399658
<b>News Editor :</b>	Thangkhuma	9862303135
	Lalchhuanmawia	9862580558
	KLalremtuanga	9862119608
<b>Cir.Manager :</b>	Jacob Lalrinsanga	9612319779
<b>Production Manager :</b>	TNgurkhuma	9436190843

### Branch Office Bearer

<b>President</b>	<u>C. Lalzarliana</u>	9436142049
<b>Vice President</b>	T Ngurkhuma	9436190843
<b>Secretary</b>	Zairemmawia	9862385654
<b>Asst. Secretary</b>	RL Thanhnuna	9436152760
<b>Treasurer</b>	R. Lalhmachhuana	9436151817
<b>Fin.Secretary</b>	K Darthantluanga	9436196071
<b>Adviser-te :</b>	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

### Editorial :

YMA Day kan lo thleng leh dawn ta, nikum lam kan ngaihtuah chuan kumin chu kan hman dan pawh dang deuh turah ngai ila. Nikum lamah kha chuan boruak dang tak hnuaihan kan hmang a nih kha. Kuminah erawh chuan kan duh thalin kan hmang thei dawn a, kan kalphung pangngai angin midangte tanpui nan kan hmang thei ngei turah ngai ila.

Kuminah pawh Day pualin Civil Hospital tan thisen kan pe dawn a ni a, midangte tan malsawmna kan nih theihna tur a nih avangin YMA member zawng zawngten pe thei ila a lawmawm ngawt ang, hun kal tawh a, chanchin lawmawm tak kan lo neih leh siam tawh ang aia nasa khan thisen hi pe thei ila a lawmawm ngawt ang. hei mai bakah hian mi dangte tana thil tha tih tur zawng ila, tanpui ngaite tanpuitu kan nih ang ngeiin mi tanpui ila, tunah pawh hian hmeithai in sak kan tum a, hetiang hian thil tha lian tham deuh tih ngei pawh tum ila a tha hle ang.

Branch YMA chuan tihdan danglamin YMA Day kan hman tur pawh Section lam arawn a, hei hian thil tha zawk a thlen ngei turah ngai ila. Section hrang hrang pawh hian ngaihtuahna thar hmang ila, Day hlimawm leh hriatrengei tlak kan hman ngei theih nan kumin kan Day chu hlim leh nuam leh ropui hriatrengei tlaka kan hman theih nan nasa leh zualin kan ngaihtuahna seng tlang ila a lawmawm hle.

Article:

## Ka vanram fan thu leh Pu T Ngurkhuma

*The Big "MASANGTEA" Boss, circulation manager*

**K**a dawh teuh a, ka ei a, ka bar zel a, ka puar ta luah mai. Chutiang tho chuan ka bula mite pawh chuan an puarzia hlir an sawi a, vice president atanga bang mai tur Pu T Ngurkhuma thlahna chawhlui, ama buatsaih ngei mai eitute zingah kan ui em avanga chaw ei thei lo khawp kan awm lo va, zanriah min buatsaihsak a hlut em avang zawkin kan ei teuh a.

Hetianga tui ti tak maia chaw han bar hliam hliam mai hi chuan ka ngaihtuahnaah thil arawn awm ziah thin. Chu chu "Vanram" a ni a, miten vanram nawm dan turzia an sawi a, lungnhlu kawngkharah lutin rangkachak tual kan leng tawh ang an ti thin. Kei chu chaw tui taka ka ei lai hian vanram kal ta ang maiah ka inngai a, hei aia nuam leh thlakhlel tur hi khawvelah hian a awm chuang em ni ka ti hial.

Kha mi tlaia uisa bai, ka'n ei tak tak mai kha chu wawi 10 vanram fang nawm hman hialin ka inhriat. Mahse, Pi Ruati siam a ni lo va, Pu NGKA nau Pu Huma siam zawk a ni a, Pi Ruati tan intihtheihna tur teh vak a awm lo.

Kan branch YMA tana Pu NGKA hlutzia leh ka chaw ei tuizia te, kum 20 chuang office bearer tangkai tak ni chung a veng tana a hnathawh tawh leh ka puarzia te, Serchhip lama min kalsan dawn avanga loh theih loh avanga YMA-a a nihna a chawhlan a ngaih tak avanga a uiawmzia leh ka chaw bar luh zat te, Group A officer-a a kaisan tak avanga ka lawmpuina leh zanriah min buatsaihsak avanga ka hlimzia te, 'President' ni awm renga ngaih theih khawpa kan branch YMA-a hnuhma a lo neih tawh dan leh chaw ka ei hnuhmzia te ka ngaihtuah neuh neuh hian, thlansa khawpa ka bar mawlh mawlh lai chuan 'Vanram ka fang' a lo ni reng.

Ni e, amah ngei pawhin lunglenthlak a tiin chhuan emaw chen a tel tawhna kalsan a, khaw danga a awm bo mai tur chu kokim zawka amah thlahna chawhlui buatsaih a duh em em a, remchan zawkna avangin branch office bearer-te bakah production manager a nihna YMA editorial board member-te sawmin May 17 (zirtawp) tlai khan ama chenna inah zanriah a buatsaih a, eitu mi tlem te zinga ka tel thei ai mahin tui tak maia chaw tlang kan nem liam zung zung mai kha a hlu zawk mah.

Vanram fan zeuh zeuh hi rinna kawnga min tichaktu a nih dawn phei chuan wawi

hnih thum mai ni lovin, wawi sawm tam pawh amah thlah nan chawhlui buatsaih se ka kil zel ang tih hi Pi Ruati hming chhal kher lo pawhin ka Chiang tawh hle.

Kan hriat ve chinah YMA hruaitu tha leh tlo ber pawl a ni a, a ti takin min mi chak a, a thin a nelin kan nel em em a, zaidawh thei tak a nih angin dawhthei taka ngaihchan a ngaih chang a awm thin. A thusawi ka ngaihthlak apiangin dawtheihna ka tlakchhamzia ka hre fo va, thahnemngai taka muang ban chat maia thu a sawi thinte hi kan branch zeizia leh hmalak dan tifahtu ber emaw chu aw ka ti thin.

President a nih chungin engti zawng pawhin hma lila, kan nawr vut vut lo va, muang marin ke kan pen a, branch dang laka hmahruaitu ni fo lo mah ila kan vuaicha bik lutuk lovah ka ngai. A hruaina hnuaiha committee an han thu khawmte hi ro an rel uluk em em a, ninawm leh hlimawm inpawlh nawkin zan lai pelh dar 1 velah chuan agenda hnuhnung ber an sawi ho hman ve tawh. Tisual hlauh vanga fimkhur nge an nih a, an hmanhmawh ve tho va, satel hmanhmawh an sawi ang vel chauh an ni tih thlanmual sir atang chuan ka hre thei lo.

Eng pawh ni se, awm ho thinte hi kan inthen fo va, ani ber kher kan then tur erawh tul lo ka ti hle. Kan secretary Zaitate hi an la tharlam deuh a, awm bo zawk mai mai se a pawl lo zawk fe awm si a. A chhan chu chawhlui min buatsaihsak awm lek si lo va, kan President Pu Zara pawh hi a awm bo ve leh avangin editorial board-te hi chaw hlui min buatsaihsak se a tha ang.

Ni e, Pu Ngura hi kan ui a, officer lian a nih tak avangin kan lawmpui. A hnaa a kaisan tak avangin hlim tak si zuai raih chungin kan thlah a, mahse, chatuana min kalsan tur a ni lo tih kan hria a, kan vengah tho a la awm dawn tih pawh Pi Ruati'n min hrih kher lo mah se kan hre Chiang em em. Hruaitu ban nghet tak a nihna atanga min kalsan a ngai ta hi YMA editorial board-te chuan khawharthlak dawn hlein kan hria a, kan lungngai a, mahse, ka hawi kualate tute mittui mah a parawl lo va, tap pawh kan awm miah lo.

YMAAW editorial board min enkawltu a ni a, a duhsak bik zinga min telh hi kan lawm em em a, kum khat tal min ho thei se ka tan phei chuan a nuam fo ang tih ka ring a, editorial board-in kan ui. Ka peih chuan ka la ziah belh zel ang.. *tawh phawt teh se.*

**Chawngbawla Section**

- ☐ Ni 22.5.2013 zan khan Pu C Sangpuia inah committee meeting a ni a, thu pawimawh tak tak an rel.
- ☐ Chawngbawla Rûn (Bungraw In) extend-na atan Section nu leh pa thawhlawm thawhtute zawng zawng chungah lawmthu an sawi. Branch in ₹ 2000/- ðanpuina a pek avangin Branch chungah lawmthu an sawi bawk, bungrua lakkhawm mek a ni a, hun remchanghmasa berah sak a ni ang.
- ☐ Kawipui zunin siamthath hna chu Ni 24.5.2013 zirtawp zan khan ðan a ni.
- ☐ Ni 8.6.2013 Inrinni a Branch YMA in thisen pek runpui a huaihawt turah member-te a tam thei ang ber Thisen pe turin an inngen.

**Khuangchera Section**

- ☐ Ni 18.5.2013 (Inrinni) khan YMA RUN thuam that hnatlang an nei. Hnatlang chhun chaw tum saktu Pu Lalrinliana chungah lawmthu an sawi.
- ☐ Ni 22.5.2013 (Thawhlehi) zan khan YMA RUN-ah meeting a ni a, thu pawimawh tak tak rel a ni.
- ☐ An hruaitu F. Lalhmingmawia leh an member Chhnutluanga te nupui nei chu an lawmpui hle.
- ☐ Ni 8.6.2013 (Inrinni) a Branch in Aizawl Civil Hospital tan Thisen pek runpui a buatsaih turah YMA member leh nu leh pa te a tam thei ang ber thisen pe turin an inngen.
- ☐ Silver Jubilee Fund member tinah Rs. 20/- hruaituten an rawn khawn dawn a, Member-ten lo ngai pawimawh turin an inhriattir.
- ☐ Property Sub Committee-ten Section information mike an rawn siam tha chu an lawm hle.

**Neuva Section**

- ☐ Section chungah Census neih mek a ni a, chhungtinte Voters ID No ziah lan a ngaih avangin lo inring theuh turin an inngen a, hemi rual hian Silver Jubilee budget member tin hnenah Rs 20/- khawn tur a ni bawk a, ðlawmngaia lo pe theuh turin an inngen bawk.
- ☐ Section Secretary Ranngo zawnga fehchhuak pawh a rawn hlawhtlin haw ngei dawn niin thu kan dawng a, kan lawmpui hle.
- ☐ Sum tuakna tur a awm thuai dawn a, member-te lo inring turin an in hriattir.

**Taitesena Section**

- ☐ Ni 24.5.2013 (zirtawp) zan khan NU LEH PA LEH SECTION HRUAITUTE INKAWMHO a ni a, section nu leh pa 70 chuang nen thupui pawimawh tak zirho a ni. Khawchhe kara nu leh pa lo kal zawng zawngte chungah lawmthu an sawi tak meuh a ni
- ☐ INKAWMHONA hmun tha tak min hmantirtu Pu C. Sangkhuma te chhungkaw chungah lawmthu an sawi a, thupui tha tak leh pawimawh tak zirpuitu Pu K. Darthantluanga Br. Fin. Secy chungah lawmthu an sawi bawk.
- ☐ Section huamchungah Faina lam hawi Hoarding an tar fel tawh a, Sponsor petute chungah lawmthu an sawi tak meuh a ni. Sponsor pe tute chu: (a) Damdai Sarep Dawr (b) Isaac Motor work (C) El Bee Hood Work (d) G.L Sofa (E) H/No-T-103 (f) El Es Bakery
- ☐ Ni 8.6. 2013 a thisen pek runpui neih turah Y.M.A Member leh Nu leh Pate a tam thei ang ber pe turin an inngen
- ☐ Silver Jubilee lawmnan a member tina Cheng 20 chu khawn mek a ni a. Member ten ngaipawimawh turin an inngen.
- ☐ Chhiatni Fund, YMA Aw man la pe fel loten ngai pawimawh turin an inchah nawn leh a ni.

**Vanapa Section**

- ☐ Ni 18.5.2013 Inrinni nileng khan hruaitute zunin siamin leh Footh Path siamna tur ðulte thawka hnatlan a ni.
- ☐ Inneitute pem lehkha nei lo a in in luah tirtu in chhuah tir lo a nih chuan tunkar chhungin pem lehkha neih tir ngei tur a ni.
- ☐ Hruaitute'n mahni Bial ðeuh a thisen pe tu tur list kha Thawhlehi ni 28.5.2013 ral hmian Secretary hnenah thehluh vek tur.
- ☐ Committee SMS hmanga ko tawh lo turin hruaitute an in hriattir.
- ☐ Section tana mi ðangkai tak Pu William Laldawnghlua damlo chu a dam leh thuai an duh sak.
- ☐ Laipuitlang leh Ramhlun Vengthar leimin tuartute tanpuina bawm dawhah ðanpuina a la thlak zel theih e.
- ☐ An hruaitu Pu Lalfakawma fate damlo chu an dam leh thuai an duhsak.

☐ Jubilee Fund Member tinah ₹ 20 an rawn khawn dawn a, lo pe ðeuh turin kan inhriattir a ni e.

☐ Hruaitute H.No nei lo enfiah a Secy hnenah report tur a ni e.

☐ Chhiatni Fund la tifel lo tlemte ten June thla chhung ngei a tifel turin an in ngen.

**PEM**

1. Pi Rose J. Maskimite chhung member 2, Pi Sanghnuni in V-Sect. atangin Chanmari ah.
2. Pu T.Vanlalsiamate chhung member 7, Pu Lalhranga in K-Sect. atangin Hunthar vengah.

**AWMTHAR**

1. Pu Lalzawmlianate chhung member 4, Bawngkawn atangin Vanapa YMA Runah.
2. Pu Robert Vanlalruata te chhung member 3, Durtlang Leitan atangin Pi Romani in V-Sect. ah.
3. Tv H.Thangmalsawma Rengte-kawn atangin Pu Malsawma in V-Sect.ah.
4. Pi C.Kungpuii Vaivakawn atangin Pu Vanlalrova in T-Sect.ah
5. Pu Laltlansanga Sialhawk atangin Pu K.Lalremruata in T-Sect.ah.
6. Pu H.Lallawmawma te chhung member 2, Aizawl Venglai atangin Pu F.Lalrova in K-Sect.ah.
7. Pu C.Lalremruata te chhung member 3, Saron Veng atangin Pi Vanlalzawmi in K-Sect. ah.
8. Pu Benjamin Zothanzama te chhung member 2, Kawnpui Vengthar atangin Pu Sangthuama Rawihte in K-Sect.ah.
9. Pu C.Lalrohluia te chhung member 5, North Chaltlang atangin Pu PC.Lalnunthara in T-Sect.ah.

Heng mite hi India Team-ah an tel.

1. Lallawmkimi D/o R Lalbiaksanga (L)
2. Reuben Lalhmingmawia s/o Roluahpuia
3. Lalhmingmawia s/o Tluangpuii Pi Tluangpuii d/o L Romawia (L) chu Mizoram aþanga kalte Asst. Manager tura ruat a ni.

F Malsawmkima s/o Aizama, E/ Roll-a bel tur thalak 1, Pu Lalrinliana (Sir Tea) K Section hnenah a rang thei angbera dah tur a hriattir i ni e.

**MHIP**

☐ Ni 13.5.2013 zan khan Pu R Rokima inah Anganwadi Center IV Co-ordination committte meeting a ni. He Center hi changtlung zawka kalpui zel dan turte sawiho a ni a, chumi atan chuan electric leh tui connection nei tura hmalak an rel.

☐ Mitthi pangpar zawrh leh tawh a ni a, Section hrang hrang a kawltute hnen aṅangin engtik lai pawha lei theih reng a ni e.

CH Section : Pi Vanlalzuali  
Pi Zoparliani

V Section : Pi Thanṅhuami  
Pi Zothanpari

T Section : Pi F Lalramsiami  
Dawr Biakin Gate bul

N Section : Pi Rinmawii  
Pi Lalhmuakliani

K Section : Pi Lallianthangi  
Pi Lalhuliani (Maliani)

☐ Asia Karate Championship a telte kan veng mi pathum Medal rawn hawnte lawmpuinan ₹500 ṭheuh pek a ni.

☐ Tailoring Center-a puanṅhui zirna tur puan thar, khawl leh Handloom Center a mi tur khawl hmanraw ṭangkai tak tak te vengchhung mi thil phal te hnen aṅanga an dawng thei chu an lawm hle.

**MISTRIASSOCIATION  
CHANMARI WEST MEMBER  
HRIATTIRNA.**

Chanmari West Branch YMA bul tumin hmeithai in sak hnatlang tur a ni a. Member a tam thei ang ber thawk chhuak turin an inngen.

A hun tur chu inhriattir leh a ni ang. Inring reng tur a ngen leh hriattir in ni e.

Lalrinmawia Ralte  
Secretary.

Heng mite hi E/roll-ah an thlalak a awm loh avangin Pi C Vanlalchhuangi BLO chanmari west hnenah thlalak Passpot size pakhat thehluh tur a ni.

1. Lalsangzuali w/o KLalremsanga
2. K Lalnunthara s/o Keichhuna
3. Rosiami w/o K Lalnunthara
4. L Biaksanga s/o Tuahvunga
5. Zosangliani d/o Darsavunga
6. VLMuanpuia s/o VLNgurliana
7. Lalbuatsaiha s/o CZaneihthanga
8. Ropuia s/o Thangkima
9. Lalrotluangi w/o Ropuia
10. Zodinsanga s/o Ropuia
11. Lalnunhlua s/o Ropuia
12. Hruaikungi w/o Lalmangchhuana
13. Lalnunkimi w/o Lawmkunga
14. K Lalbiaksanga s/o Lalthansanga.

**Property Sub- Committee**

☐ Veng chhung information mike tha lo laite siamthat zawh a ni tawh a, a tha lo lai ala awm anih chuan hruaitute hriattir nise a lawmawm hle ang.

☐ YMA Park Pipu, inbukna leh tawlpahrit chei tha tura hmalak chhoh mek a ni.

**BLESSING PHARMACY**

Natna chi hrang hrang nei tan Doctor (General) rawn theihin a awm ta.

Zing : 6:30 - 8:30

Tlai : 5:00 - 7:00

Proprietor

Zodinputa Sailo

Ph. : 9862363500

Hunthar leh Chanmari West

Peng\huam HT/1A (2-2)

Dental Plaza, Vaivakawn chuan May 27-29, 2013 hian kum 10 tlin lawm nan ANNIVERSARY DISCOUNT 50% Treatment zawng zawngah a pe dawn a, ha leh kachhung lama harsatna nei zawng zawngte tan pan theih a ni e.

FREE CHECK-UP a duh tan neih a ni bawk.

Timing : 10:00 am - 4:00 pm

DENTAL PLAZA

VAIVAKAWN ☎ 9862331339

**PUANṅHUI KHAWL SIAM  
THIAM**

Puanṅhui khawl puan engpawh \hui thei turin ka Siamthei reng e. Gas Stove pawh ka la siamthei reng e.

Puan\hui khawl a chhuak hmasa puan pawh nalh tak tak a \huithe tlawmte a lei tur pawh ka nei e. Han thlang ve rawh le.

Khawl Gas Stove Siam mamawh chuan han phone la ka rawn pan mai dawn che nia.

Save rawh le LH Chawngthu

☎ 9612322639. (3-3)

**LOGO INSIAMSIK**

Kum 2015 Silver Jubilee pualin LOGO Insiamsiak buatsaih a ni a, Ni 15.8.2013 thleng thehluh theih a ni. Mi pakhatin pakhat aia tam siam theih a ni a, a duh tan Facebook lamah thawn theih a ni ang. Hemi atanga thlan chhuah hnenah Lawmman tha tak pek a ni ang. LOGO design-te hi Pu R.

Lalmachhuana Vanapa Section leh Pu J. Lalnangliana Chawngbawla Sectionah thehluh theih a ni ang.

**SPOKEN (ENG/ HINDI),  
COMPUTER, MATHS ZIRNA  
HMUN**

(10 yrs Experience Teacher te zirtirna)

Timing 6:30 am - 6:00 pm

I hun neih dan angin rawn zir rawh le. Course hrang hrang a zir theih e.

☎ 8974361248.

Goshen Learning Centre

Vaivakawn. Opp Bazar.

(2-1)

**THALAI TE TANA THU LAWMAMM**

Central Sorkar hmalaknain IndiaSkills, Aizawl ah Hotel Management, thla 3 Training Course a awm a. Heng certificate te hi khawvel ram hrang hrang 188 -a hna zawn theihna an ni :

**Certificates in**

**Edn. Qualification**

- |                            |                                      |
|----------------------------|--------------------------------------|
| 1. Front Office Operations | Pawl 12 pass leh a chunglam          |
| 2. Food & Beverages        | Pawl 10 pass leh Services a chunglam |
| 3. Housekeeping            | Pawl 8 pass leh a chunglam.          |

Course Fee a ngai lo. A hnuaia telephone ah hian zawhfiah theih a ni.

Seat a tam lova, hmanhmawh a ngai.

(2-2)

Contact : 9862070550,9436140767,8414965283